

II – AKTI OPĆINSKOG NAČELNIKA

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
OPĆINSKINAČELNIK



Broj: 02-05-3971/17

Datum: 15.12.2017. godine

Na osnovu člana 2. Zakona o razvojnom planiranju i upravljanju razvojem u Federaciji Bosne i Hercegovine („Službene novine FBiH“, broj: 32/17) i člana 39. stav (1) tačka 6. i tačke 9. Statuta Općine Zavidovići („Službeni glasnik Općine Zavidovići“, broj: 5/08 i 5a/08), Općinski načelnik donosi

O D L U K U

o utvrđivanju kriterija i sistema bodovanja projekata kandidiranih
za Plan kapitalnih investicija Općine Zavidovići za period 2018 – 2022. godina

Član 1.

Ovom Odlukom utvrđuju se kriteriji i sistem bodovanja projekata kandidiranih za Plan kapitalnih investicija Općine Zavidovići za period 2018 – 2022. godina kandidiranih od strane mjesnih zajednica, privrednih subjekata i fizičkih lica, kao i projekata Općine Zavidovići.

Član 2.

Bodovanje projekata kandidiranih za Plan kapitalnih investicija Općine Zavidovići za period 2018 – 2022. godina će se vršiti prema sljedećim kriterijima:

1. Vlasništvo nad zemljištem,
2. Povezanost sa Strategijom integriranog razvoj općine Zavidović 2017 - 2026.,
3. Stepem pripremljenosti projekata,
4. Teritorijalna korist koju pruža projekat,
5. Broj stanovnika koji će imati korist od projekta,
6. Uticaj projekta na okoliš,
7. Uticaj projekta na društveni razvoj,
8. Faza projekta i
9. Sufinansiranje.

Član 3.

Sistem bodovanja i broj bodova za kandidirane projekte će se vršiti prema sljedećoj tabeli:

KRITERIJ	BROJ BODOVA				
	3	2	1	0	-3
Vlasništvo nad zemljištem	Vlasništvo Općine ili riješeni imovinsko-pravni odnosi	U toku rješavanje imovinsko-pravnih odnosa, nije potrebno obezbjeđivati sredstva za eksproprijaciju			Potrebno obezbijediti finansijska sredstva za eksproprijaciju
Povezanost sa Strategijom integriranog razvoja općine Zavidovići 2017 - 2026	Povezanost sa mjerom	Povezanost sa operativnim ciljem	Povezanost sa strateškim ciljem		
Stepen pripremljenosti projekta	Odobrenje za građenje	Urbanistička saglasnost	Izrađen glavni projekat i revizija	Iskazana potreba, Studija izvodljivosti	
Teritorijalna korist koju pruža projekat	Za područje cijele općine; za područje dvije i više mjesnih zajednica	Za područje jedne mjesne zajednice; dva i više naseljenih mjesta	Za područje jednog naseljenog mjesta i drugo		
Broj stanovnika koji će imati korist od projekta	Svi stanovnici općine	5.000 -10.000 stanovnika	1.000 - 4.999 stanovnika	do 1.000 stanovnika	
Uticaj projekta na okoliš	Projekat poboljšava stanje životne sredine	Projekat podrazumijeva primjenu obnovljivih izvora energije/"čistih" tehnologija	Projekat nema negativan uticaj na okoliš		Projekat ima negativan uticaj na okoliš
Uticaj projekta na društveni razvoj	Projekat nudi nove društvene sadržaje	Projekat povećava zaposlenost mladih i /ili žena	Projekat poboljšava nivo kulturnog, sportskog i turističkog razvoja		
Faza projekta	Završetak projekta i nastavak realizacije projekta			Realizacija nije započeta	
Sufinansiranje	Obezbijedeno učešće mještana u finansiranju	Obezbijedeni drugi izvori finansiranja			Nije obezbijedeno učešće mještana u finansiranju

Član 4.

Prilikom bodovanja kapitalnih projekata prema kriterijima iz člana 3. – tabelarni prikaz, izdvajaju se sljedeći kriteriji:

- vlasništvo nad zemljištem,
- stepen pripremljenosti projekata,
- faza projekta i
- sufinansiranje,

te se zbir bodova ova četiri kriterija množi brojem 2 i zbraja sa brojem bodova ostalih kriterija što čini ukupan broj bodova kandidovanog projekta.

Član 5.

Nakon izvršenog bodovanja za kandidirane projekte vrši se rangiranje projekata u pet kategorija i to:

1. Cestovna infrastruktura,
2. Vodovodi,
3. Kanalizacioni sistemi,
4. Javna rasvjeta i
5. Ostali projekti,

a kako bi se za svaku od kategorije projekata utvrdila rang-lista i prioriteta finansiranja, te se kao prijedlog Plana kapitalnih investicija Općine Zavidovići za period 2018 – 2022. godina dostavljaju Općinskom vijeću Zavidovići na dalje usvajanje.

Član 6.

Za prijavljene projekte gdje je navedeno sufinansiranje građana, kao donja granica neophodna za početak realizacije projekta određuje se iznos od 10% vrijednosti predloženog projekta.

U slučaju da se minimalan iznos sufinansiranja ne obezbijedi blagovremeno realizuje se sljedeći projekat sa utvrđene rang-liste, a projekat koji je prema rang-listi trebao biti realiziran realizirat će se nakon obezbjeđenja neophodnog sufinansiranja.

Član 7.

Ova Odluka stupa na snagu sa danom pribavljanja saglasnosti Općinskog vijeća Zavidovići.

OPĆINSKI NAČELNIK

(M.P.)

mr.sci. Hašim Mujanović, s.r.